

修訂日期: 2004/10/21 發行日期: 2006/2/15

發行單位: 中華電子佛典協會 (CBETA) <http://www.cbeta.org>

資料底本: 大正新脩大正藏經 Vol. 20, No. 1041

原始資料: 蕭鎮國大德提供, 北美某大德提供

No. 1041

觀自在菩薩心真言一印念誦法(千手千眼軌出)

大興善寺三藏沙門大廣智不空奉 詔譯

夫修行者欲念誦時。先應誦清淨真言七遍。真言曰。

唵 嚩 呬 (詩聿反) 𑖀 弟 𑖀 耨 𑖀 戌 (引) 𑖀 馱 𑖀 囊 (引) 𑖀 野 𑖀 娑 嚩 (二合引) 𑖀 賀 (引)

由誦此真言。則獲得三業清淨。則成以功德法水灑浴身心。則結觀自在菩薩印。

二羽相叉作拳。以禪度出外直豎即成。誦心真言七遍。真言曰。

唵 𑖀 阿 (去引) 𑖀 嚩 (引) 𑖀 力 𑖀 迦 (半音) 𑖀 娑 嚩 (二合引) 𑖀 賀 (引)

由結此印及誦真言。即成三昧耶。又結前印誦真言三遍。以印左繞三匝。則成辟除一切諸魔障者。又結前印誦真言三遍。以印右轉三匝則成結界。

則想身前八葉蓮華。又結前印誦真言七遍。以禪度向身招之。

則觀自在菩薩。并蓮華部一切聖眾。皆來集會。則以二手捧闍伽香水器。當額奉獻誦真言七遍。想浴聖眾。

又結前印誦真言七遍。則成獻蓮華之座。

又結前印誦真言三遍。則成塗香供養。

又結前印誦真言三遍。則成華鬘供養。

又結前印誦真言三遍。則成種種天妙飲食供養。

又結前印誦真言三遍。則成燈燭供養。

又結前印當心誦真言七遍。則想自身坐於八葉蓮華臺中。相好威光具足圓滿等同觀自在菩薩。於蓮華八葉。每一一葉上。各有一如來入定。面向觀自在菩薩。行者以如是觀念極令分明。舉印於頂上散。

則取念珠蟠於掌中合掌當心。誦加持念珠真言七遍。真言曰。

唵 𑖀 尾 𑖀 嚩 (引) 𑖀 左 𑖀 囊 (引) 𑖀 麼 (鼻聲) 𑖀 攞 𑖀 娑 嚩 (二合引) 𑖀 賀 (引)

則二手當心。各聚五指如未敷蓮華形。當心誦真言。不緩不急歷分明不應出聲。寂靜念誦每與真言後字聲齊移一珠。於心真言句中去初後字。念誦之時勿令散亂。身心凝寂更不異緣。唯觀本尊專注念誦。則觀想身前八葉蓮華上。有觀自在菩薩相好圓滿處月輪中。復觀自身同彼觀自在菩薩等無差別。念誦數畢。捧珠頂戴起慈悲心發大誓願。一切有情所希望。世間殊勝上願。速得成就則安珠本處。

又結前印當心誦真言七遍。即成三昧耶。

復以印加持自身五處。所謂額上右肩左肩心上及喉是名五處。各誦真言一遍。加持頂上散印。

又結前印如前獻五種供養。各誦真言一遍則成廣大供養。則以二手捧闕伽水。當額奉獻誦真言一遍。

又結前印左轉一匝則成解界。

又結前印以禪度向外擲之誦真言三遍。舉印安頂則成奉送一切聖眾。

又結前印加持。自身五處。各誦真言一遍。則成被甲。頂上散印。

修行者如是依此祕密法要。精誠念誦作意修持。一切所為速得成就。世出世間諸願圓滿。業障消除三昧現前。不轉此身騰空自在隨意。即往十方淨土歷事諸佛。速成無上菩提。

觀自在菩薩心真言一印念誦法

八家祕錄云。

觀自在菩薩心真言一印念誦法(仁)不空

此中仁者圓仁。即慈覺大師之諱也。此本則慈覺請來也。